

Sunndal kommune, plan-, miljø- og næringstjenesten
Postboks 94
6601 SUNNDALSØRA

Vår dato: 15.04.2020
Vår ref.: 202003468-2
Arkiv: 323
Dykkar dato: 17.03.2020
Dykkar ref.: BYGG-19/00208-13

Sakshandsamar:
Ole-Jakob Sande

NVE sitt svar på avgrensa høyring av framlegg til endring av kommuneplanen sin arealdel og føresegner knytt til skredfareområde for Sunndal kommune

Vi viser til brev datert 17.03.2020. Sunndal kommune ber om uttale frå NVE i til framlegg av endring i føresegnene til kommuneplanen sin arealdel og kommunedelplan for Sunndalsøra.

Framlegg til endring har bakgrunn i ei konkret sak på Sunndalsøra der det ligg føre to ulike konklusjonar av skredfarevurderingar. Det er vurdert faresoner gjennom NVE si skredfarekartlegging for Sunndal kommune i 2015. Den konkrete eigedomen ligg innanfor kartlagt skredfare, og i ny vurdering er skredfaren vurdert annleis. NVE har i den konkrete saka gitt kommunen råd om å legge den statlege kartlegginga til grunn.

Slik vi les saka har kommunen framlegg om to endringar i føresegnene til dei aktuelle planane;

1. Endre formulering av omsynssone *Skredfare H310* slik at det ikkje bør vere mogeleg å gjere ny vurderingar for område som allereie er kartlagt for reell skredfare (jf. §§ 4.1.1 - 4.1.3 og 8.1.1 – 8.1.3 i framlegg til endra føresegner).
2. Endre formulering av omsynssone *Skredfare H310* (aktsemdsområde §§ 4.1.4 og 4.1.5) med krav om vurdering av reell skredfare for tiltak i tryggleiksklasse S2 og S3, jf. byggt teknisk forskrift (TEK17) § 7-3.

NVE sine vurderingar:

NVE vil først stadfeste at ulike konklusjonar i ulike skredfarevurderingar er noko vi ser fleire eksempel på, og vi er samd i at det er uheldig. NVE jobbar med ein ny rettleiar for skredfarekartlegging i bratt terreng (bransjestandard) der også konsulentbransjen er med i dette arbeidet, og målet er å standardisere innhald og utforming av vurderingane, og lette arbeidet for både bestillar og utførande.

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Abels gate 9
7030 TRONDHEIM

Region Nord
Kongens gate 52-54
Capitolgården
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR

På generelt grunnlag vil NVE også gjere klart at det er opp til kommunen å styre utbygginga i sin kommune gjennom arealplanlegginga. Kommunen har full rett til å gjere vedtak om at areal ikkje kan byggast ut gjennom vedtak i plan. I NVE retningslinje [2/2011 Flaum- og skredfare i arealplanar](#), oppmodar NVE kommunane til å «styre arealbruken i høve til aktsemdområde og faresoner som er identifiserte» på kommuneplannivået, jf. kap. 7.4.2.

NVE meiner at Sunndal kommune gjennom sitt ansvar for arealbruken, har full rett til å setje krav til kva område vurderingar av reell skredfare skal gjennomførast. Kommunen har også rett til å avgrense kva tiltak (tryggleiksklasse) det skal opnast for i område med potensiell fare (aktsemdsområde) utan reell kartlegging av skredfare. Kommunen vil då etterleve NVE sine råd om å styre utbygginga til areal som i utgangspunktet er tilstrekkeleg trygge. I tillegg vil det etterleve NVE sine råd om å unngå areal der ein må gjennomføre risikoreduserande tiltak fordi det krev vedlikehald.

For område som er kartlagt med skredfare i vurderingar/rapportar med tilstrekkeleg fagleg kvalitet, bør det ikkje vere trong for å gjere nye vurderingar. Eventuell diskusjon om nye vurderingar bør berre vere eit tema dersom ein er tvil om den faglege kvaliteten på eksisterande vurderingar. For å unngå at kommunen skal stadig komme opp i slike vurderingar, kan skissert endring i føresegnene §§ 4.1.1 - 4.1.3 og 8.1.1 – 8.1.3 vere ei løysing.

Sjølv om NVE jobbar for å etablere ein standard for skredfarekartlegging i bratt terreng, vil skredfarevurderingar aldri kunne bli ein eksakt vitskap og det vil vere rom for eit fagleg skjønn. Vi er difor varsam med å gi råd om å ha føresegner som ikkje opnar for nye vurderingar, fordi vi på generelt grunnlag ikkje kan utelukke at forhold ved skredfarevurderingar kunne vore gjort annleis.

NVE si rolle er verken å godkjenne eller avvise konklusjonar i ei skredfarevurdering, men vi kan peike på eventuelle manglar og gi kommunar råd dersom vi blir spurd i konkrete saker. Det har vi også gjort i den konkrete saka som m.a. er grunnlag for framlegg til endring.

For område med potensiell fare (aktsemdsområde) har kommunen framlegg til justeringar i føresegnene som set forbod mot tiltak i tryggleiksklasse S2 og S3, jf. TEK17 § 7-3, utan at det ligg føre skredfarevurdering og dokumentasjon på tilstrekkeleg tryggleik. NVE gjer merksam på at tryggleikskrava i TEK17 også gjeld for tiltak i tryggleiksklasse S1, og rår kommunen til endre formuleringa slik at den fangar opp alle tiltak som er omfatta av tryggleikskrava.

Med helsing

Brigt Samdal
regionsjef

Ole-Jakob Sande
senioringeniør

Dokumentet vert sendt utan underskrift. Det er godkjent etter interne rutinar.

Vedlegg:



Kopi til:

Fylkesmannen i Møre og Romsdal